



Zbog prijetnje po nacionalnu sigurnost

Đusinac će biti protjerana iz BiH

Izrečena joj mjera zabrane ulaska na teritoriju BiH u trajanju od pet godina

Elma Đusinac, 21-godišnja državljanka Srbije koja je uhapšena prije tri dana u Kalesiji zbog sumnje da je povezana s radikalnim ekstremističkim grupama u BiH, bit će protjerana iz BiH uz zabranu ulaska na teritoriju naše zemlje u trajanju od pet godina, saopćila je jučer Služba za poslove sa strancima BiH, koja je i izrekla mjeru.

Iz Službe se navodi da je mjera donesena zbog kršenja odredaba Zakona o kretanju i boravku strancima i azilu. Đusinac je prije tri dana privela Državna agencija za istrage i zaštitu (SIPA) zato što predstavlja moguću prijetnju po sigurnost BiH, a u našu državu ušla je prije desetak dana ilegalno i bez dokumenata.



Đusinac smještena u imigracionom centru

O njenom dolasku u BiH, bh. policijske agencije obavijestile su obavještajne službe Srbije, jer je Đusinac nastanjena u Kosovskoj Mitrovici.

- Ona još nije deportovana. Nju i dalje ispituju pripadnici SIPA-e i OSA-e. Pro-

jerava se zbog čega je uopće došla u BiH i na čiji poziv – kaže naš izvor iz Službe za poslove sa strancima.

Riječ je o nevjenčanoj supruzi Enesa Mešića, radikalnog vehabije koji je, također, priveden pa pušten. Njega je SIPA ranije već

Urbovala žene u ISIL

Srbijanski „Blic“ piše da je Đusinac bliska s Nusretom Imamovićem i da je u BiH vrbovala ženu u redove Islamske države te, pozivajući se na obavještajne izvore, spremala napade u BiH.

hapsila u akciji „Damask 1“, ali je nakon tri mjeseca provedena u pritvoru pušten na slobodu, uz izrečene mjere zabrane.

Tužilaštvo BiH optužilo ga je da je dio organizirane terorističke grupe koja je učestvovala u sukobima u Siriji i Iraku. **M.Aš.**